

# 三台縣志

卷  
廿四  
禮俗志一

祀典  
禮

藝文志四

三台縣志卷二十三

藝文志四

文徵下

送裴五赴東川

此公在成都作杜詩始  
潼有關係者從此詩始

杜甫

故人亦流落高義動乾坤何日通燕塞相看老蜀門東行應暫別北望苦  
銷魂凜凜悲秋意非君誰與論

送梓州李使君之任

此在綿送李赴任也唐書梓州梓潼郡屬劍南  
道乾元後蜀分東西川梓州爲東川節度使治

所

籍甚黃丞相能名自穎川近看除刺史還喜得吾賢五馬何時到雙魚會  
早傳老思筇杖拄冬要錦衾眠不作臨歧別惟聽舉最先火雲揮汗日山  
驛醒心泉遇害陳公隕於今蜀道憐君行射洪縣爲我一潸然

三台縣志

卷二十三

一

三台新民印刷公司代印

寄高適

嚴武召還京師高適代尹成都  
公在梓欲依之特因亂未果

楚隔乾坤遠難招病客魂詩名惟我共世事與誰論北闕更新主南星落  
故園定知相見日爛漫倒芳樽

悲秋

公在綿入梓即欲出峽  
特以中原未靖不果

涼風動萬里羣盜尙縱橫家遠傳書日秋來爲客情愁窺高鳥過老逐衆  
人行始欲投三峽何由見兩京

客亭

此欲返家  
至梓而作

秋牕猶曙色落木更天風日出寒山外江流宿霧中聖朝無棄物衰病已  
成翁多少殘生事飄零任轉蓬

九日登梓州城

伊昔黃花酒如今白髮翁追歡筋力異望遠歲時同弟妹悲歌裏乾坤醉

眼中兵戈與關塞此日意無窮

相從行贈嚴二別駕

別駕古稱從事與刺史別乘嚴二梓州人爲本州別駕也

我行入東川十步一回首成都亂罷氣蕭索浣花草堂亦何有梓中豪俊  
大者誰本州從事知名久把臂開樽飲我酒酒酣擊劍蛟龍吼烏帽拂塵  
青驪粟紫衣將炙緋衣走銅盤燒臘光照日夜如何其初促膝黃昏始叩  
主人門誰謂俄頃膠作漆萬事盡付形骸外百年未見歡娛畢神傾意豁  
眞佳士久客多憂今愈疾高視乾坤又可愁一軀交態同悠悠垂老遇君  
未恨晚似君須向古人求

秋盡

梓州在東少城在成都時徐知道爲其下李忠厚所殺公在梓依李梓州

秋盡冬行且未迴茅齋寄在少城隈籬邊老却陶潛菊江上徒逢袁紹杯  
雪嶺獨看西日落劍門猶阻北人來不辭萬里長爲客懷抱何時得好開

三台縣志

卷二十三

二

三台新民印刷公司代印

春日登梓州城樓二首

廣德中公往來梓閬作

行路難如此登樓望欲迷身無却少壯跡有但羈棲江水流城郭春風入  
鼓鼙雙雙新燕子依舊已銜泥  
天畔登樓眼隨春入故園戰場今始定移柳豈能存厭蜀交遊冷思吳勝  
事繁應須理舟楫長嘯下荆門

題鄆縣郭三十二明府茅屋壁

唐志梓州治鄆縣

江頭且繫船爲爾獨相憐雲散灌壇雨春青彭澤田頻驚適小國一擬問  
高天別後巴東路逢人問幾賢

鄆城西原送李判官兄武判官弟赴成都

憑高送所親久坐惜芳辰遠水非無浪他山自有春野花隨處發官柳著  
行新天際傷愁別離筵何太頻

惠義寺送辛員外二首

朱櫻此日垂朱實郭外誰家負郭田萬里相逢貪握手高才仰望足離筵  
雙峯寂寂對春臺萬竹青青海客杯細草留連侵坐軟殘花悵望近人開  
同舟昨日何由得並馬今朝未擬回直到綿州始分手江頭樹裏共誰來

答楊梓州

前有李梓州後有章梓州此又  
有楊一歲三更代此在漢州作

悶到房公池水頭坐逢楊子鎮東州卻向清溪不相見迴船應載阿戎遊

投簡梓州幕府兼簡韋十郎官

此在漢州作

幕下郎官安穩無從來不奉一行書因知貧病人須棄能使韋郎跡也疏

寄題江外草堂

原註梓州作  
寄成都故居

我生性放誕雅欲逃自然嗜酒愛風竹卜居必林泉遭亂到蜀江臥疴遣  
所便誅茅初一畝廣地方連延經營上元始斷手寶應年敢謀土木麗白

三台縣志

卷二十三

三

三台新民印刷公司代印

覺面勢堅臺亭隨高下敞豁當清川惟有會心侶數能同釣船干戈未偃  
息安得酣歌眠蛟龍無定窟黃鵠摩蒼天古來賢達士寧受外物遷顧惟  
魯鈍姿豈識悔吝先偶攜老妻去慘淡凌風煙事跡無固必幽貞愧雙全  
尙念四小松蔓草易拘纏霜骨不堪長永爲鄰里憐

陪章留後慧義寺餞嘉州崔都督赴州

節度朝覲則置留後章留後  
卽梓州刺史章彝嚴武還朝

西川節度高適代之東川  
節度虛懸以章彝爲留後

中軍待上客令肅事有恆前驅入寶地祖帳飄金繩南陌旣留歡茲山亦  
深登清聞樹杪磬遠謁雲端僧迴策匪新岸所攀仍舊藤耳激洞門颯目  
存寒谷冰出塵閤軌躅畢景遺炎蒸永願坐長夏將衰棲大乘羈旅惜宴  
會艱難懷友朋勞生共幾何離恨兼相仍

隨章留後新亭會送諸君

公自入梓頻遊諸  
寺有學佛之想

新亭有高會行子得良時日動映江幕風鳴排檻旗絕葦終不改勸酒欲無辭已墮峴山淚因題零雨詩

客舊館

公在梓周流近  
邑復歸於梓

陳跡隨人事初秋別此亭重來梨葉赤依舊竹林青風幔前時捲寒砧昨夜聽無由出江漢愁緒日冥冥

九日

去年登高鄴縣北今日重在涪江濱苦遭白髮不相放羞見黃花無數新世亂鬱鬱久爲客路難悠悠常傍人酒闌却憶十年事腸斷驪山清路塵

冬狩行

原註時梓州刺史章彝  
兼侍御史留後東川

君不見東川節度兵馬雄校獵亦似觀成功夜發猛士三千人清晨合圍步驟同禽獸已斃十七八殺聲落日迴蒼穹幕前生致九青兕駝駘崑崙

三台縣志

卷二十三

四

三台新民印刷公司代印

垂元熊東西南北百里間髣髴蹴踏寒山空有鳥名鸚鵡力不能高飛逐走蓬肉味不足登鼎俎胡爲見羈虞羅中春蒐秋狩侯得同使君五馬一馬驄況今攝行大將權號令頗有前賢風飄然時危一老翁十年厭見旌旗紅喜君士卒甚整肅爲我迴轡擒西戎草中狐兔盡何益天子不在咸陽宮朝廷雖無幽王禍得不哀痛塵再蒙嗚呼得不哀痛塵再蒙

將適吳楚留別章使君留後兼幕府諸公得柳字

我來入蜀門歲月亦已久豈惟長兒童自覺成老醜常恐性坦率失身爲杯酒近辭痛飲徒折節萬夫後昔如縱壑魚今如喪家狗旣無遊方戀行止復何有相逢半新故取別隨簿厚不意青草湖扁舟落吾手眷眷章梓州開筵俯高柳樓前出騎馬帳下羅賓友健兒簸紅旗此樂幾難朽日車隱崑崙鳥雀噪戶牖波濤未足畏三峽徒雷吼所憂盜賊多重見衣冠走

中原消息斷黃屋今安否終作適荆蠻安排用莊叟隨雲拜東皇掛席上南斗有使卽寄書無使長廻首

奉寄別馬巴州

原註時甫除京兆功曹在東川

勳業終歸馬伏波功曹非復漢蕭何扁舟繫纜沙邊久南國浮雲水上多獨把魚竿終遠去難隨鳥翼一相過知君未愛春湖色興在驪駒白玉珂

奉待嚴大夫

公在梓將赴劍南聞還蜀故留以待之

殊方又喜故人來重鎮還須濟世才常怪偏裨終日待不知旌節隔年回欲辭巴檄噭鶯合遠下荆門去鷁催身老時危思會面一生襟抱向誰開

送王侍御往東川放生池祖席

東川詩友合此贈怯輕爲况復傳宗匠空然惜別離梅花交近野草色向平池倘憶江邊臥歸期願早知

三台縣志

卷二十三

五

三台新民印刷公司代印

在淮南臥病書懷寄趙蕤

李白

吳會一浮雲飄如遠行客功業莫造就歲光屢奔迫良圖俄棄捐衰疾乃緜劇古琴藏虛匣長劍挂空壁楚冠懷鍾儀越吟比莊舄國門遙天外鄉路遠山隔朝憶相如臺夜夢子雲宅旅情初結緝秋氣方寂歷風入松下清露出草間白故人不可見幽夢誰與適寄書西飛鴻贈爾慰離析

送梓州李使君

王維

萬壑樹參天千聲響杜鵑山中一夜雨樹杪百重泉漢女輸幢布巴人訟芋田文翁翻教授不敢倚先賢

赴職梓潼留別畏之員外同年

李商隱

玉谿生詩註引舊書志劍南道梓州梓潼郡東川節度使治所管梓綿劍普榮遂合渝瀘等州又本傳柳仲郢鎮東川辟爲判官  
佳兆聯翩遇鳳凰雕文羽帳紫金牀桂花香處同登第柿葉翻時獨悼亡

烏鵲失棲常不定鴛鴦何事自相將京華庸蜀三千里送到咸陽見夕陽  
錢席重送從叔余之梓州

莫嘆萬重山君還我未還武關猶悵望何況百牢關

梓州罷吟寄同舍

大中十年徵柳仲郢入朝詳年譜

不揀花朝與雪朝五年從事霍嫖姚君緣接坐交朱履我爲分行近翠翹  
楚雨含情皆有託漳濱多病竟無繆長吟遠下燕臺去惟有衣香染未銷

寄令狐相公

賈島

策杖馳山驛逢人問梓州長江那可到行客替生愁

送周正孺

名尹知東川

蘇軾

得郡書生榮還家昔人重而况東西川千騎許上冢里門下車入父老自  
驚聳端如何武賢不事長卿寵清時養材傑杞梓方培擁未應遺合抱取

三台縣志

卷二十三

六

三台新民印刷公司代印

用及把拱如君尙出麾顧我宜耕壟告歸謝先手求去悔不勇豈云慕廉  
退實自知衰冗爲君埽棠陰畫像或相踵

自註蜀中太守無不畫像者

次前韻再送周正孺

東川得望郎坐與西爭重高風傾石室舊學鄙文冢

自註劉蛻文冢銘在梓州蜀人安

使君所至野不聳竹馬迎細侯大錢送劉寵遙知句溪路

王註師曰句溪在中江縣西

老稚相扶擁看畫古叢祠百怪朝幽拱牛頭輿兜率雲木蔚堆壟醉鄉追  
舊遊筆陣賈餘勇聊將詩酒樂一掃簿書冗西風吹好句珠玉本無踵

送周正孺自考功郎中歸守梓潼兼簡呂元鈞三絕

蘇轍

白髮熙寧老諍臣懷然心膽大於身吾儕坐看馮唐去誰起雲中廢棄人  
十年符竹守吾州故吏相逢嘲土牛毋謂徐公不堪用諸人自與世沉浮  
東道如聞近稍安乘驄按部懷生寒忽逢太守能相下俱是從來言事官

送蘇公佐修撰知梓州

乘軺舊西蜀出鎮復東川父老知遺愛壺漿定滿前江山昔年路旄節異  
邦權望重朝中舊疆分劍外天歲登無猛政蠻服罷防邊去國身雖樂憂  
時論獨堅孤誠抱松直彙進比茅連我亦相從逝疎狂且自全

經戰地

魯交

西邊用兵地黯慘無人耕戰士報國死塞草迎春生沙飛賊風起晝黑陣  
雲橫夜半烽臺望旄頭星尙明

清夜吟

露華清八極吟上小樓東月色水鋪地雁聲秋滿空明河欲瀉浪瘦竹自  
生風坐久心骨爽此懷誰與同

送朱師古龍圖少卿帥潼川

楊萬里

三台縣志

卷二十三

七

三台新民印刷公司代印

甲戌花朝衆集英相看鬚鬢各青青曲江初別春三月北闕重來再一星  
百石去官君似丙千年歸鶴我輸丁因書若寄楊員外莫道山寒少茯苓

潼川州贈劉刺史柱九

明崇禎十六年進士 呂潛 遂寧人

廣漢城邊鼓不枹樓頭清嘯有宏圖地從西極通岷海星自中天握斗樞

原註州屬九邑 蓮漏夜聲和錦瑟桃溪春水酌商觚殘疆魚鳥方涵泳尤慰歸人

老礪隅 原註蓮漏桃溪俱見州志

又寄送潼川劉刺史擢運使

春風一日下雲翰又望熊車近日端嘯滿樓臺思越石書成鹽鐵擬桓寬  
馬行劍閣星疑動帆渡黃河露未乾爲寄離情與明月疎林白髮倚闌干

潼川歌 并序

毛奇齡

丹陽賀先生應選崇禎十六年授資陽縣令夫人請從叱馭而行行李自

成破成都資陽不守先生及夫人慷慨從刃自成怪之命釋以俟屢脅之順畢不能屈繫之別營猶欲處馬越二年十月賊敗於南鄭懼中有應乃指而嘆曰留此輩爲梗矣殺之同行十七口並日死於潼川州越十二年先生二子雲會雲舉俟西道通尋之不得有彭君退菴備述其事復詢之資人蔡文學語其相合號啣而歸雲會爲司馬與余善余乃作潼川歌

鹽亭何高高梓水何漣漣四座且莫喧聽我歌潼川潼川州南射洪渡天柱雲封七盤路不見潼川繞地來但見南津上天去南津令君負奇節夜泛桃花暗流血桃花江上草初青一夜寒風白如雪相傳此地殲令君招魂萬里呼南雲睢陽齒落白崖裂萇宏血墮高梁焚令君家世本吳楚北固山頭射猛虎興酣聚來劃地殊愁來投筆長心苦縣官續命計車發便

三台縣志

卷二十三

八

三台新民印刷公司代印

請長纓繫南越嚴助三年厭舊廬龐公百里懷新割驚聞盜賊出巴下玉壘珠江廢耕稼白帝終成躍馬王紅巾時起鳴狐詐慨然請行一星入夢中曾見三刀集崎嶇九坂誰肯前忼慨王尊赴何急閨中有婦孟氏賢從征作賦同車駟解綿繫樹苦食芋封魚滌釜長生蠶倉皇烽火接城野急繕亭隍料牛馬轉戰空聞笛裏哀升陴誰是搴旗者天心不解遂人志人事良難勝天意縱教南八是男兒難免西川盡捐棄丈夫死官久不屈春磨崖籩自強立完城蔓子芻已遲斷頭嚴將生難執霜刀環視驚罕希誘以好爵啖以糜赤繩馬頭繫有待無如南鄭傷還歸天陰雨凍地冰裂乙酉之冬月初缺令君罵賊身死亡正在潼川此時節君不見令君同死十七口同時死盡皆無有彭子退菴眼見知長望桃花酌春酒又不見令君二子遠相失十六年來尙尋入難持齒髮向天涯疾走潼川自悲泣潼川

潼川西近秦桃花水落青春新我今歌罷潼川曲還想潼川赴死人

遇胡聖翼備言蜀難從黔中得出

萬谷暘

問君說患難聽罷起悲歌百口一身在孤蹤萬里多乾坤猶灑泐今古類  
樵柯獨有故園色青楓賴夢過

感懷

文峯山下一男兒束髮讀書成別離百結鶉衣猶待補廿年犧繡亦何爲  
卑飛淑浦食茄鶩淹蹇長塗曳尾鳧爲憶鹿門堪樂隱石橋堰水稻香時

重九後五日又同前登琴泉諸人上東山卽事和□□□□□正學

元韻二首

天霽呼朋好看山山橫隔岸野雲間江沙清淺蘭舟穩梯徑幽深竹杖閒  
逸興讀碑懷往事醉狂搥鼓壯晨顏幾行白鷺□□□目送滄州轉碧灣

三台縣志

卷二十三

九

三台新民印刷公司代印

題塔

九級層層削似峯盤盤八面皆含空額頭碧落□□□□□青山踏蟄龍  
信是登東能小魯可云造物與功同□□□□□氣身在雲烟第幾重

癸丑九月九日

同學博□張公慶斯馮子實甫劉子率□童兒及  
霍冷苟許黃王何及門諸童冠登琴泉山和崖間石

刊

秋色愛相尋重陽日半陰苔深安屣齒泉響逗琴心但得陶潛醉何須傅  
說霖同遊非寡和山水卽知音

獻賊勾攝紳士家口入城意欲屠之也吾妻吳氏曰我當往免致累我  
老母與幼兒女也盈城殺者人所同而毅然入城受死者吾妻所獨因  
詩以紀之

自奉姑嫜避亂危賊軍嚴令點家私躊躇袂絕離親愛孤苦城居盡孝慈

寧效松筠斤斧折豈隨蒲柳雪霜欺莫言烈女無人傳一點貞心百世垂  
祝州守周鵬遠排律三十韻

雲璈奏響暮春天朋酒登堂太父前敢效華封多致祝尙慚巴里未謀篇  
荆梁銅鼓精英發參井金筑吉曜纏火濟承家勤遠畧□□開國創奇緣  
遙遙漢蹟雖堪述□□周禎更可傳世胄文章競豹變科名伯仲羨蟬聯  
肯爭擊汰中流楫那讓征驤半策鞭草昧經綸思妙手巖廊負荷待擔肩  
用人此際咸歸聖受職惟君孰比賢僉謂服官譬製錦獨儲調鼎試烹鮮  
城同斗大空量糝才似梯高實解縣刻意勞身搬侃甕閒情理物弄虞絃  
士元豈竟耒陽守何祇允宜廣漢遷特見璽書加五馬並聞錫爵應三鱣  
檐帷露冕懽欣仰童叟攀轅激切還兩袖清風來凱邑一簾明月到潼川  
只遵敦大爲成裕若遇煩苛慨免蠲恩沛冤民肺坐石威懲猾胥鬢誅錢

三台縣志

卷二十三

十

三台新民印刷公司代印

廐非蕃庶糜倉粟庖僅饗殮淡爨煙玉尺六鄉安衽席冰壺七屬映旌旃  
林培桃李枝枝茂德耀松筠節節堅足餉潛柔慣悍卒勸農漸墾久荒田  
魚來牧夢占豐熟犬傍花陰得靜眠果信救人真活佛寧須鍊汞學神仙  
建辰初度當期日歷甲長生渾計年玄鳥呢喃吞降卵黃鸝睨皖報啣環  
籌添算紀皆如是巷舞塗歌莫不然白首愚夫詩什什黑頭宰相壽千千

祝劉州守生日銅仙掌上玉杯歌

楓丹芙艷與霞紫金似黃花玉似水上映長天萬里秋筆落展開一幅紙  
幾行雁字綴雲端欲寫申生傳太史此間露珠皆瑤漿銅仙掌上玉杯量  
挹彼注茲爲誰將送入昌城名世堂名世堂中何所有蓮漏曙光齊拜手  
七邑六鄉無遠近千聲萬聲如一口說到苞符迥不同渤海洋洋泰岱崇  
日月升恆當其處帝出乎震亦在東金城鐵嶺稱名勝弈葉雲初繞貫虹

皇天眷佑乃西顧壽域先開屬吾潼蒲鞭寬厚本世德蠲俸薄賦甦困窮  
五馬偏勞百姓家鷄犬不驚安澤鴻仁政卽是長生訣何須學道訪崆峒  
我貌山癯九郊居扶杖遙遙祝九如猶記封蜀有錢鑑八百之歲羨有餘  
君侯錫齡更倍之籌滿千秋特上書

使滇

王新命

字純嘏著有東山詩集倪永清云古今詩人若無真道德真見識  
撫拾浮詞圖炫一時耳目我知其必不能卽卽傳矣亦非風俗之  
正純嘏先生讀破萬卷奇書担荷一朝大事其詩言言平淡字字  
驚人俱以本來忠孝之氣衝以出之矜華鬪靡之輩有不避席退  
舍者哉宜乎  
騷壇佩服也

祇命來南服馳驅輕萬里聖治洽寰區滇池跋扈起元濟爲戎首干戈懾  
天使我徒烈丈夫成仁取義耳從容誓天日慷慨存廉恥上以壯國威下  
以光青史幽拘夢寐清惟礪睢陽齒

三台縣志

卷二十三

十一

三台新民印刷公司代印

別江右三首

昔來南浦日此地只孤城黽勉行吾拙艱難任世情有心籌國用無力贍  
民生贏得清風好飄然兩袖輕  
纔見烽烟靖災荒又疊聞按圖稽戶口曠野少耕耘下詔憐餘子蠲租出  
聖君不才慚賈傅宵旦獨慙慙  
已知民力竭仰屋強持籌到處分銅虎誰能運木牛檄書頻夜至輪輓幾  
時休幸荷皇天眷無貽覆餗憂

題繼勇侯德公戰蹟碑

碑在梓潼上亭  
舖見黃華詩草

陶澍

妖星夜向西川炮長蛇吮人血流赭赫然一震迅雷霆將軍旗鼓從天下  
憶昔么麼煽亂初祭酒鬼卒號嗚嗚始由襄郟及唐鄭遂渡漢沔穿夔巫  
數千里內肆蹂躪勢若火燎秋原枯卓哉將軍好身手長嘯欲激龍泉吼

健銳固是攸飛英咤叱會令逆苗走有詔將軍兵最精指揮更作巴西行  
西行幾載冒鋒鎬驀澗緣崖事搜剔霜刀不放鯨鯢逃晴空屢見鷹隼擊  
三巴已靖人可耕移兵北向趨階成誰知晝伏夜復動窮穴突出鼯與鼯  
將軍聞之捲甲返疾馳颯若風雨聲是時羣賊正蜂起我軍新敗鼓聲死  
朱勇烈公陣亡以一足歸葬三臺 欽鴟得意羽毛張投鞭欲斷涪江水士女倉皇如亂麻

牽衣跣足哭不止將軍下令整且嚴持滿勿發視吾矢餓鴟忽叫箭滿眼

十萬賊人同草靡

綿州志賊合黃號徐萬富青號汪瀛綠號陳得俸等十餘萬蜂湧來迎聽候下令兵士持滿視賊近乃發遂擒

陳得俸殲冉天恆冉天元帶箭而逃與侯事略稍異

窮兵五日四接戰手斬鴟狐戮封豕輕騎進解

四塞圍歡聲上沸天雲委

綿州志白號賊張子聰雷世旺等渡潼河焚太和場追攝大破之斬雷世旺生擒數千人時谷

成太和仁和仁義四塞為賊所敗哭聲震地大軍至賊驚遁圍解難民數萬詣營叩頭而去

潼川兩岸遂肅清賊連敗於中江

三臺設偽總兵張長生等餘賊偷渡嘉陵江追擊以大砲殲殆盡自敗重賊不敢西渡望見侯旗輒走今三臺景福院尚有侯專祠廟祀不朽

### 三台縣志

卷二十三

十二

三台新民印刷公司代印

脫刀兵事耘耔嗚呼此戰何可無稍緩須臾蜀危矣祇今事隔十年來陰  
雨猶聞鬼夜哀山坡往往拾遺鏃斑斕血色凝蒼苔豐碑屹立當道路惜  
無文字鐫崔巍我行棧道繚若線恍惚當年此酣戰如公自是武鄉儔卻  
憶潢池誰召變幾人善學孫吳書不如且讀循良傳

潼川客夜

張問陶

五世誰移郡臣家亦故家游皆空海嶽歸不問桑麻祖訓終難負吾生自  
有涯遙憐王謝燕深巷夕陽斜

送三臺王謙六履吉歸養

春山處處子規聲話到還鄉便有情入世誰能知去就保身才不負生成  
似聞搗是迴颿好那見棋從打劫贏大海風波都閱歷尙餘何事未心平

原註臺灣之役謙六漂入閩洋數日

聞天無雁返東風山海蒼茫夢影中能退急流真灑落不談時務亦英雄  
萊衣爭羨還山早錦水何年載酒同竟補白華詩一首肯將此樂換三公  
潼川府 張問安

涪江道上

疎林搖曛黃天寒遠沙退曠野不逢人昏鴉立牛背  
水鳧接天飛廻翔下藪澤涪江似湘江波流自然碧

劉蛻文冢

扁舟落日含悲風莽蒼大塊雲容容華英山岳聚文氣峭峭爲壁留前蹤  
長沙奇人員奇骨文筆直擬凌蒼穹不敢噫唾切祇畏嗜欲躁競緣胥空

三台縣志

卷二十三

十三

三台新民印刷公司代印

不爲吾用百工用塗泥芻蕘隨所從想見硃圍覆背二千紙時有星光貝  
氣下射蛟龍宮春陽華川妙逶迤動蕩怪異開心胸爲文不得十如意如  
意實藉天之工鳴於地中聲隆隆復來天上其昭融芝菌金鐵絕爭媚見  
褻嗟彼秋蘭叢風水惟貞利孫子豐碑猶記唐大中終知甚稀古同慨自  
振無力吾終窮

梓州草堂春晚雜吟

竹西隣古寺屋角枕潼江春靜人來少庭閒鳥下雙好花都貼石高樹恰  
當窗可惜無清興深吟撥玉缸  
邊笥何妨睡侯芭問字回輕衫濃翠染一巷晚風開各抱凌雲志須成吐  
鳳才鄰鐘微動後燈影隔池來

朱門少婦丐予賣宅惻然賦此

劉福慶

空庭猶賸四時花，過客來觀笑語譁。  
駟馬昔年光里巷，蠮螋今日障窗紗。  
零丁婦孺封翁後，寂寞亭臺督撫家。  
宅是總河故居老樹近牆都合抱，夜來仍噪舊棲鴉。

哭張恕齋

諱西銘道光壬辰孝廉主講雲臺書院無疾而卒諸官紳爲致祭飲助始得歸葬

士女咸知喪老成，梓州城畔起哀聲。  
生涯歷盡人間苦，科第惟餘紙上名。  
滿架詩書情繾綣，一家兒女哭淒清。  
秋風坎上離離草，也爲先生拂不平。

題天祐寺寨壁二首

紀藍逆犯潼事

動地征鼙不忍聽，梓州烽火夜流螢。  
黃沙白骨行蹤斷，碧草青蠅戰血新。  
沿城一帶屍橫過，野馬革屍甘還令。  
尹邑侯劉瑞林畫牛頭賊退伏，親丁青蠅撲鼻人不敢。  
募邑中百人守北門，鎖鑰幾難守。  
幸有偏師出井陘，陳八仙之兵九次赴潼皆奉朱督師鐵船牛頭頗賴其力。  
檄以朱乃陳之恩師也，又賊攻北門急，朱公募死士焚三臺山賊巢，賊始退。

三台縣志

卷二十三

十四

三台新民印刷公司代印

風聲破竹震如雷，廟館民居一炬摧。  
無賴賊思從地入，出奇兵喜自天來。

二月二十六日姚獻亭寅夜來城次早賊至旋積薪洞穴獻亭縋城焚之梓州克守陳兵之力最多美人持戰真妖物，賊有謝寡婦強悍好殺乞兒搦旗亦將材。  
一乞兒縋城斬首而還卽賞軍功城上神威先凜凜，令人想像費疑猜。  
賊夜來撲城忽見城上黃號褂無數疑有神助

賊圍潼川

劉宋祺

中江人

城外室如魚鱗，裹賊未來時一炬火。  
百姓移家入城中，黑夜倉皇盡上堞。  
五更吹角天未明，隔江時聞人馬聲。  
賊從溪南渡，溪北近城五里先駐兵。  
前旌插在大佛寺，如潮如海隨後至。  
分兵一路撲牛頭，分兵一路翦鳳翅。

牛頭山在西門外鳳凰山在北門外

東山高頂幕萬千，佛寺金碧皆烽烟。  
旗影下捲不見地，火光上搖難爲天。

太守公阮

戎裝領丁壯，夜在奎星閣上望。  
幾次告急入西

成都郡

不免流淚往北向，是誰奉命來救援。  
欲進不進兵數千，一駐在

建寧

驛名去潼六十里

再駐在樂安

舖名去潼三十里

流賊從此無忌憚繞城東竄復西

竄暗穿地道黃泉底高聳雲梯青天半攻者不如守者良

三臺劉令善守又得民心

靜制動少矜張隨來隨破如無事再戰再捷莫可當况有神兵自天降赤人赤馬規模壯夜夜提戈城上立流賊望之心胆喪重圍一月計已窮拔營宵走路向東斯時救援兵始至多割民耳去獻功

### 唐經歌并序

縣尉

洪 湘 上元人

三臺北塔唐經載之志乘湘會得一頁寶而藏之久矣丙寅冬沈梧岡郡伯來守潼川言次及之囑爲賄取丁卯正月旣望公餘默坐忽香滿一室異而迹之則香出經卷中是豈豐城劍氣將來雷換之招爨下桐聲欲動中郎之聽耶因以是經呈之郡伯并賦長歌以紀其異

君不見豐城之劍爨下桐聲驚座客氣吐虹一經物色無塵蒙萬物顯晦

### 三台縣志

卷二十三

十五

三台新民印刷公司代印

各不同又不見梓州古剎北山巔唐之慧義今琴泉寺外浮屠高插天溪中流水叶鳴絃工部於此常流連雪泥鴻爪皆雲烟一朝塔圯出所藏千年貝葉真琳瑯紙色如金墨生光氤氳滿紙旃檀香能仗佛力出劫火浮沉濁世多遺亡幸遇白華吳庶子澹園鶴坪俱守此先後各得一二紙徵歌勒石紀其美我來擊柝鄴江頭殷殷汲古勤搜求吉光片羽偶有得神物不爲俗吏留異香煥發如自謀賦以長歌獻郡侯一見色喜與古儔所遇恰與前賢侔快哉明珠非暗投

### 琴泉寺唐經

提學

張之洞 南皮人

唐書貴楷則峭急始經生千碑同一法寫經遂孤行晚出王鱣祥蚤顯鍾紹京東川遺梵夾資福獨無名想見拾遺來浮圖尙崢嶸象法不自庇劫火俄相攫舍利已灰滅掇拾得筆精麻紙黃不蠹松墨湛兒睛當時取急

就千萬日有程臥腕驅拂筆波媚出欹傾右餘左不足荒率得其情宋帖  
多臆改覩此息喧爭三藏大海濶片紙一漚輕將毋佛笑儒寶此如連城  
研金與刺血彼教何其宏儒徒寫釋典蔽惑良不平我自重我法古今一  
蔣衡誰存孔壁簡豈咎秦皇坑

題劉孝感祠記後

張樹猷

去年雛鳳啣書至書中曲道徵詩意今年老鳳悲且鳴聲聲都是風木情  
孝子順孫一門聚至性感人何真誠我愧無文傳大節欲言未言心如結  
幾度沉吟下筆難縱有巴人一曲何足揚風烈連朝捧讀孝感記令我臨  
風動翹企先生母孝得姑心白髮垂憐恩無暨沒後再三焚紙錢延生祈  
福生人天更有貽謀垂久遠釵釧予兒置祭田變作飛蚨權子母綿將血  
食薦牲牲果然先生能繼述經世宏才百不失上祀旁祀極周詳推廣孝

三台縣志

卷二十三

十六

三台新民印刷公司代印

思尤精密千秋萬歲足流傳寄語史臣當載筆君不見姜安母善事姑孝  
感名泉信不誣至今廟食馨香遠高行誰能相步趨先生有母追芳軌合  
與古人共濟美先生繼起承先志春露秋霜無廢事母爲孝婦兒孝子和  
氣鍾爲一家瑞天生鳳毛皆國器三採泮芹真奇異轉盼聯翩綴巍科直  
上具有扶搖勢一日旌門百代榮何止先生起家明經第吁嗟乎通神明  
光四海孝弟感孚有真宰我願天下人心盡如斯父父子子兄兄弟弟夫  
夫婦婦釀成太和世界長不改

別雲閣老夫子

七旬作吏尙精神紆道來瞻絳帳人莫怪老翁情愀師生雅誼又鄉親  
桃花流水送行天爲雇安鄉數日船好是叮嚀相詢處蒲榴佳節再來緣  
循儒氣度宰官身吏惕民安自不驚多少奇材誇幹濟算來終遜老書生

公庭宛在水中央雀鼠無爭習俗良除却完堤無箇事坐看日影度琴堂  
集句送樊燮堂詩四首  
郭伯壘遂寧人

男子當爲天下奇王庭珪通材何必倩人知李山甫懦夫祇解冠章甫權德輿名

士眞須讀楚詞陸游顧我無才都氪氪黃潛憐君不遇亦淒其貢師泰書生事業

期千載陸游幾見飛鴻駕順遲馮賢

夜思千重戀舊遊李端叔風簾似水滿床秋趙嘏勸君更進一杯酒王維與爾同

消萬古愁李白漫說虞翻多薄命陳簡齋焉知李廣不封侯陸游黑貂雖敝猶存

舌袁士光好爲裁詩謝白鷗劉滄

大才何必負槃槃陳羽處世規模要放寬戴石屏抵掌縱談天下易張伯羽留心

學到古人難戴石屏果然廟算推裴度王元之自有蒼生屬謝安王元美千載秋

鷹同一搏葉水心吾儕不是老寒酸王持國

三台縣志

卷二十三

十七

三台新民印刷公司代印

熱腸一片走京華黃潛千里風塵撲面賒宗臣大寶箴陳張蘊古袁景休治安

策上賈長沙歐大廷頭顱自笑今猶在戚南塘富貴從茲願已奢陳鶴終是聖明

天子事鄭畋讀書仍得舊生涯潘偉

琴泉寺

謝緒岷

涪水帶城郭空山烟際浮斜陽礙虛塔飛鳥接危樓石氣濃於雨泉聲涼  
入秋荒叢埋詩碣感嘆此淹留

東山寺

亂山湧孤塔倒影臥斜陽待有竹風過乍聞花雨香綠蕉舊精舍青豆古  
禪房曲水流階畔因之醉羽觴

爲朱漚尹侍郎題百榼使酒圖

洪猷

蹭蹬功名進士科劍鋒一冷未重呵笑他幾箇聰明鬼不中名魔中酒魔

放胆橫飛酒百卮，促神弄鬼大離奇。醉來亦解張紈扇，遮着當場老面皮。  
狂醉呼天劍氣衝，日輪倒射酒杯紅。世開多少不平事，都在昂頭一笑中。  
一困糟邱打不開，敝衣破帽墮塵埃。魔鬼恐被游仙見，使出遮天手段來。  
醉態瞢騰倒大阿，青袍縞帶皂朝鞞。功名末世原塗炭，可惜衣冠掃地多。  
塊壘填胸大可捫，病奇無計叩醫門。擬求一斗山魃血，不忌腥羶和酒吞。

題畫扇送蕭三紫超之江南

青山橫斷江聲吼，江樹迢迢江雲走。送君江南不見君，一年一上江樓口。

酬三臺詩友張茂乙

吳立卿 綿陽人

書生不能罵，坐常使酒行。歌當哭，嗟無偶。茂乙四十猶布衣，狂名大叫風塵走。  
香積寺前處士家，涪城官閣探梅花。胸有抑塞磊落之意氣，眼無升沉榮悴之塵沙。  
弱冠號篋書低頭，尋矮屋懷中璞。玉無人知兩別誰，憐下

三台縣志

卷二十三

十八

三台新民印刷公司代印

和哭帖括拋棄名心澹，研求古學操鉛槧。詩如李杜鑿幽深，奇字驚破時人胆。  
興酣激切讀奇書，神經怪牒架上儲。博綜緯候參風角，七政六日推孤虛。  
跌蕩放言逞豪舉，衆口謠詠多齟齬。拂衣叱咤遊雲間，二陸宅邊結儔侶。  
歸家禪誦閉柴門，律儀內典閱朝昏。寒餓孤吟索知己，重繭來過玉壘村。  
殷勤示我詩一首，藥石贈言如瓊玖。世人詭諛盡枝詞，擺落凡格真吾友。  
古有張顛太湖精，狂客賀監歸四明。茂乙豈其流亞者，寶刀拂拭長作不平鳴。  
茂乙爾何爲珠潛璧，匿生不逢辰。方今互市混華夷，胡不探抽秘記馳騁精。  
思翱翔五洲習奇技，海外一見鸞鶴姿。人事茫茫天地窄，灰心愁痛終何益。  
撐腸拄腹文字何足言，不如山居谷飲尋黃石。

人日登東山寺

劉伶嗜酒醉顏酡，靈運遊山愛薜蘿。春色滿前供眼福，禪心無奈問頭陀。

穿雲古殿鐘鼓動背郭平橋水自波欲覓長生丹訣處良辰況是客中過  
瑞櫟山房

蕭鴻吉

僕館王竺榮先生家不知其宅後有連理樹也昨同散步見焉歎賞久之爲作瑞櫟歌以贈并與署爲宅名櫟俗所謂青桐也時道光乙巳仲秋

百年老樹生嘉祥氣豐骨勁形容蒼一根兩幹大盈抱下開中合枝分張  
連理奇瑞不自表鬱鬱但飽雪與霜蘚花入春蝕殘黛風葉捲秋飛亂黃  
主人見慣了不異更誰題品相誇張我昨一見出意外摩挲歎息情難忘  
從來種樹如種德善根久植家餘慶金芝九莖禾六秀閭里之榮邦國光  
君家昔有宰相樹滿庭濃蔭枝柯香莫嫌此木老樗散中有佳氣深含藏  
君不見石湖先生金紫客家以壽櫟顏華堂矧此蔚爲門庭瑞田荆寶桂

三台縣志

卷二十三

十九

三台新民印刷公司代印

相頡頏我爲作歌更作跋贈君君應喜欲狂大書深刻榜檐宇兩字瑞櫟  
題山房

董仲石室

王龍勳

仙人漢董仲事遠不可知胡爲梓州東石室依山陞靈慧具夙根云是孝  
子兒尙友錄董永子  
仲織女所生少小好道術雲笈常紛披有時面壁居蛇虎環繞之  
有時效禹步神鬼相追隨齋心鍊符籙引氣同元龜金丹能救人草木安  
足爲至今枯井旁銀杏華葉垂樵牧問遺跡空見沒字碑成都太守賢教  
授開講帷仙人名與事志乘照來茲

工部草堂

老杜平生三草堂浣花瀼水遙相望一年梓州暫棲止攜家避難何蒼黃  
誅茅卜築向誰所想像應在牛山傍繞郭名勝恣遊矚况有棟宇餘齊梁

兜率鶴林暨慧義金碧爲我生榮光虛空縹緲響清磬行歌互答聲琅琅  
是時霜鬢正作客登樓入望多感傷留後使君興不淺開樽痛飲形骸忘  
新詩千首寫忠愛如公自合稱詩王東川何幸得公迹應與巴蜀相頡頏  
竭來驅車訪遺址巍然祠廟尊冠裳謫仙配享兩知己文章萬丈光燄長  
春花滿面秋菊香當年對酒神飛揚只今肸鬩戀茲土那復乘舟思故鄉

### 劉蛻文塚

復思嗜古尤嗜奇才氣不亞樊宗師生平爲文二千紙封置一冢高纍纍  
勃鬱傑佗不得志瘞文更以文爲戲漂泊東川作寓公至今指點兜率寺  
兜率寺中秋草黃殘碑偃臥空庭荒兒童驚走呼怪事冢中夜半生光芒  
我思公在大中世與世睽孤苦淹滯文字無靈奚用之搔首問天天闕閉  
不如哀聚羶幽宮鳴於地中聲隆隆良材蘭茝慎由藁雕琢佩服非吾衷

### 三台縣志

卷二十三

二十

三台新民印刷公司代印

嗚呼文章動神鬼風水惟貞利孫子我今讀銘三太息敬奉瓣香千萬祀

### 柳谿書巖

武江鴨綠潌春波紫蓋山頭松胃蘿書巖獨闢罕塵跡中有幽人長嘯歌  
幽人隱處得深致柳谿任氏今猶記不知年代是誰何依稀半露方義字  
石壁峻峻苔蘚生贈詩鐫刻皆隱名手摸細讀歎精妙顏曾楊孟相倒傾  
善讀書人不易得口耳辭章道榛塞先生坐擁南面城直與六經作羽翼  
經義沈酣春復秋不求文達於諸侯巖中天地自空濶冷看世事真浮漚  
校序紛紛徧弦誦誰解通經能致用時局艱危仗大儒卻穀詩書要兼綜  
我來東蜀訪遺蹤伊人不見驚猶龍題詩巖畔諗來哲更令萬古開心胸

### 二月新霽偕李荔塘遊大佛寺

乘興出郭門倦眼條已縱土膏踐猶滑嵐翠滴逾重塍麥露未曦岸柳風

微弄拾級事登陟樂樂聊與衆寶相飾莊嚴烟繞香花供祈禱抱佛脚憤  
憤癡愚夢紛然自來往誰復管迎送我心竟孰託淡與春雲共入山還出  
山暫作爲霖用

登東山觀競渡放歌

我生好奇嗜幽迴閉戶碌碌笑公等况是龍舟作水嬉何妨嘯傲東山頂  
東山塔勢干雲霄倒影凌空山動搖孤亭虛敞樂賓客茶鎗酒椀相招邀  
俯瞰江心恣高詠龍背昔年誰鑄鏡定知歲旱風雨生且喜民和管簫迸  
畫船歌舫盛如雲遨頭士女何繽紛蝶飛扇影坐中見蘭惹衣香波際聞  
就中感嘆情脈脈角黍爭投弔騷客一篇詞賦哀怨多萬古沅湘尙嗚咽  
衆醉獨醒眞太癡人生行樂須及時曠觀天地我身小登場傀儡誰高卑  
世事披猖總遊戲絢極漸看收局易夕陽人散各欣欣予亦乘流縱歸騎

三台縣志

卷二十三

二十一

三台新民印刷公司代印

涪江五月江水清城郭烟火遠漸明行行回首望山寺畧約猶聞鐘磬聲

琴泉寺

昔時稱惠義今更說琴泉古寺出雲杪清泉疑水仙使君頻餞客工部有  
遺篇我亦嗟遲暮登臨倍惘然

牛頭山

鄴道西南出牛頭險要爭烟花標勝概樓閣俯層城寺已隳長樂防宜設  
重兵跨山包束固文肅費經營

宋李暹  
謚文肅

李杜祠

一龕虔奉草堂中李杜精靈肸鬩通戴笠記曾逢飯顆開尊時復憶江東  
京華冠蓋交情古梓水蘋蘩享祀同共作寓公誰是主登城白髮杜陵翁

顧公祠

如違先齒疥癆賓凜凜孤忠豈顧身本爲阿兄勤守土那堪諸將盡成塵  
鏡堂終古荒烟寂井水無波皓月新我讀殘碑三歎息精誠昭格尙能神

次李卓如邑侯煥秋夜校士及愚堂韻卽以贈別

百里弦歌繞訟庭牛刀新發宰官硯人言王渙工神算我愛鮮于是福星  
造士襟期原自遠培風事業允堪型喬柯到處增依戀棠舍花留去後馨  
溟澥游鱗憶網沈翦瞳潭水鑿秋心三千穎脫蠶爭葉九二爻占鶴在陰  
舊學商量同志廣奇文欣賞用情深夜窗燒燭應相語投契眞如芥與鍼  
偶將餘事付龍賓爲結三生翰墨因詩律徧傳徵下里政聲喧播說鄉人  
陽城撫字誰堪尙范寧敦崇更莫倫瞻拜有心今始慰幾回冰署笑言親  
故人招我尺函來快說從今士氣培戚令諭民多好句沈公料事屬天才  
感欽科第清門盛大庇酸寒廣廈開借寇未能紆軫甚將成新築正需材

三台縣志

卷二十三

二十二

三台新民印刷公司代印

時公口創  
辦學費

集東坡句送子祥觀察入覲卽以志別

珥筆西歸近紫宸爭看繡幃錦纏輪蓬萊老守明朝去凜凜重瞳日月新  
鵬鷺行中笑語親班心突兀見長身近之清潤淪肌骨慈愛聰明惠利人  
詔書行捧縷金箋王事何曾怨獨賢此地他年頌遺愛野花啼鳥亦欣然  
東坡已報六年穰但愛齋廚法豉香尊主庇民君有道要令風俗樂時康  
將心到處遣人安夫子胸中萬斛寬悃悞無華眞漢吏囊中未有一錢看  
高才本不緣閥勳絳闕雲臺總有名欲把瘡痍手摩撫化爲膏雨滿重城  
野濶天低糝玉塵豐年喜復接陳陳相逢父老爭相賀一看郊原浩蕩春  
微言一發重千鈞京兆平反一笑春抉剔根株窮脈縷使君留意在斯民  
保甲聯邨團未徧爲君無憾爲時悲山棚盜散人安寢絕勝倉公飲上池

碧畦黃隴稻如京餘力還思治蜀兵不獨清心能省事應須極貴又長生  
投壺雅歌清燕開樓前飛紙落成堆自聞出守風流似雲水光中洗眼來  
未應愚谷能留柳笑飲貪泉獨繼吳拔薤已觀賢守政年來合浦自還珠  
城上烏棲暮靄生亂山深處長官清使君惜別催歌管時作陽關腸斷聲  
尺一書來喚我歸欲將詩句絆餘暉殷勤莫忘分攜處絳燭燒殘玉斝飛  
苦淚何須點別腸已飛青蓋在河梁望窮海表天還遠清夢時時到玉堂  
入手功名事事新那因遠適更沾巾宦遊直送江入海激激飛湍射火輪  
見公奔走謂公勞傾盡葵心日愈高此去澄江三萬頃扁舟夜渡海無濤  
踏遍江湖草木春眼前時事幾番新還須卻置蓮花漏更對芙蓉城裏人  
自言官長如靈運旋見兒童迎細侯歸去青雲還記否臥龍蟠屈半東州  
熙熙長覺似春臺極目扁舟挽不回童子遙知頌襦袴含情只待使君來

三台縣志

卷二十三

二十三

三台新民印刷公司代印

別後湖山幾信風老於詩句耳徧聰應須火急迴征棹三月鶯花付與公  
與君暫別不須嗟醉裏題詩字半斜舊政猶傳蜀父老他年留作畫圖誇  
阿郡伯升調成都賦呈二律

五馬翩然赴錦城使君眉宇更崢嶸雲山放眼規全蜀烽火憂心念舊京  
遠道風清初展驥喬柯春早恰遷鶯東川又作西川守四顧紆籌在此身  
纔從梓水聽弦歌士庶攀轅頌禱多六載清平資鎮守一腔忠愛寄吟哦  
賓僚共和懷傾素家國交縈鬢換蟠慙媿駒維空谷裏我留公去悵如何  
次張聯五明府九日登高

携尊何似華峯頭語到驚人總未休那許壯心銷烈士聊將醉眼看齊州  
居官戀戀書生味誤國紛紛肉食謀翹首臨風三歎息黃花無語自悲秋  
鞍馬曾經雪滿頭鳴琴今暫樂休休治希仲氏稱三善心折陶公領八州

拔薤早教良莠判徹桑都爲室家謀殷勤日望甘霖沛預兆明年慶麥秋

瑞櫟歎 并序

松莊宅後老櫟一株兩幹下開中合韻老瑞櫟歌一株兩幹大盈抱下開中合枝分張先大父移居卽有之未之奇也道光丙午蕭韻鑣太夫子館予家見而賞之榜楹額曰瑞櫟山房作歌表異時值吾家鼎盛物亦効靈如此迨光緒乙卯先大父棄養壬午大母復殂謝此樹遂爲蜂蟻所傷漸覺枯朽至癸未先慈見背予下第歸至京師未幾而百年老樹瑞櫟歌百年老樹生嘉祥竟被狂風吹折噫嘻此樹之有關吾家盛衰顧不諒耶自後叔侄弟兄分炊析爨田氏之荆悴者不可復榮實先爲之兆也已今不見此樹十餘年人事變遷風物頓異病中追溯方寸惕然壹不知其何以爲長太息也作瑞櫟歎一首

三台縣志

卷二十三

二十四

三台新民印刷公司代印

昔者蘭陵太夫子淋漓爲作瑞櫟歌大書兩字榜檐宇頓令山房增巍峩

瑞櫟歌大書深刻榜檐宇兩字瑞櫟題山房

故國豈因喬木重材大究須爲世用皋比坐擁陳

孟公紀瑞更思狂作頌

辛巳年陳敦甫大令館予家擬作瑞櫟頌

雅人豪放思無涯吾家勝蹟

良足誇往來靈氣徧呵護時見蛟龍紛騰拿形容蒼古柯葉茂經歲經年

色依舊名堂遠媿范石湖再拜祝君千萬壽

瑞櫟歌石湖先生金紫客家以壽櫟顏華堂

何期

生意漸彫殘萬類均當如是觀蘭成作賦劇悲愴陶令撫松空盤桓景逼

桑榆寧久駐已判榮落委天數地靈要是仗人傑皮既不存毛焉附吁嗟

乎梁木壞風樹悲重闈色養安可追蓼莪一廢不忍讀攀柏哀號長淚垂

櫟兮櫟兮復何有援筆幾見如椽手門庭猶是風景殊竇桂田荆今亦朽

董仲石室

王麒勳

鼓樓山隅屬幽祕云有仙人居其地深巖絕壑石室開豹隱鴻潛自殊異

祕授寶錄開瓊文煮金鍊石香氤氳一壺金膏瀉靈液神功滌盡疵癘氛  
靈根移自天上來支機石畔銀河隈偶到塵寰小游處仙居特闢讀書臺  
蔓草荒涼一抔土縹緲亭堂樵牧舞珠宮貝闕本虛無養素存神卽洞府  
工部草堂

梓州龍從鄴水長左蟠龍鳳環崇岡中有草堂峙傑閣風流騷雅名字香  
詩史流傳閱世古到處江山盡爲主閬巴綿梓盡遊蹤錦官花柳隨嚴武  
牛頭山頂雕甍開片椽爲公芟草萊刺史賢能重儒雅後先濟美光池臺  
躡屨山亭窺萬井兵革危亡關河梗南樓曾紀清宴詩水亭空照孤城影  
一腔忠盡攄吟哦麗詞題比峩雲多老臣心事恨何極流離遷徙棲山阿  
檉棟丹青開戶牖風水喧豖蛟龍走光芒盤鬱金薤香公之精靈共不朽

劉蛻文塚

三台縣志

卷二十三

二十五

三台新民印刷公司代印

兜率宮前騁瑰異幻出丹文并綠字盤屈光怪何陸離傳之千禩當無棄  
嗟哉劉公擅文豪雲錦龍梭如列肆擲地已成金石聲多才每干造物忌  
劇憐瑰寶將求沽一隅黃塵委郊隧文人嗜古彈精英傾液漱芳不終悶  
存亡應有數相持歷劫窮塵不可易劉公無文塚能傳亦屬藝圃光氣寄  
片壤長留草木香空山應有鬼神伺智永學書筆成塚區區毛錐亦虛器  
三唐遺跡石不刊獨峙詞峯鬱蒼翠郡南縹緲風物華斜陽芳草遊人記

柳谿書巖

爲問柳谿隱君子鴻巖讀書記芳軌避世特隱林壑深物外鴻塵不到此  
擔簞祇愛藝籤香誦聲琅琅石室裏岡巒迴環溪水清服食松脂采荆杞  
蘭若時傳鐘磬音恍得禪經貝葉紙興來偶寫凌雲篇滿壁凝輝霞成綺  
和者連軸舒其華玉佩瓊琚各專美至今流衍千餘秋古壁刊鐫尙可指

剝苔剔蘚披奇辭剝蝕消殘無幾矣自來川岳埋賢達惟耽辭林鄙金紫  
韓陵片石人堪珍隻字流傳殊可恃清姿逸氣光不磨作者爲誰曰任氏

遊望山川小飲慈恩寺醉書壁間

鍾薇垣

八面雄關四扇開嵯峨山勢儼飛來靈崖倒壓千尋石佛閣高撐百尺槐  
隱約溪光騰一線山下有溪名一線蒼芒雲氣接三臺携將謝眺驚人句昂首峯  
頭擲酒杯

相携朋輩翠微間爛醉狂歌共往還酒好斷難邀俗客詩奇終恐負名山  
地經兵燹悲歌易殿銷煙霞啟閉難爲語六朝僧記取好留題詠鎮禪關

馮文之師挽詞

曾修五

青林啼月杜鵑飛文史香消哭董帷百代仗公孤學在一燈箴我廿年非  
王通名已傾當世郭泰身猶老布衣惆悵平生扶杖處夕陽紅過舊柴扉

三台縣志

卷二十三

二十六

三台新民印刷公司代印

曾許彭宣入後庭臨溪老屋舊氈青北窗病後人長臥秋雨愁中髮漸星  
偶借一邱可理骨已枯半體尙溫經傷心未築三年室衰草荒原有斷螢

李報三大令歿於粵中哀之以詩

李侯宰巖邑匣劍有光芒辛苦官裁得天涯鬢易霜北游豪氣在東望海  
雲涼忽聽歸來鶴纍纍話北邙  
死難歸故國泉路亦窮途十載貧如洗微官可戀無海天滯魚雁鄉樹冷  
夔巫一畝龍溪宅荒寒草易蕪

梓州工部草堂

亂離自分老殊鄉又向東川築草堂枝上慘紅鵑有血甕中寒綠蟻留香  
春深官閣雲沈壁雨過鄴城柳著行祇恨收京消息斷孤臣猶有涕沾裳  
重九宴雲臺山佑聖觀時將赴成都作歌呈同游諸子

萬松湧濤雲薄胸殘秋雨洗青芙蓉此山雄秀作邦鎮廢石不省王侯封  
草木變衰霜落後菊花照人作重九空谷時聞蘭蕙香天風吹冷茱萸酒  
拱宸樓已化寒灰我從紅羊劫後來林西一片梧桐月曾照野火燒蒼苔  
原田幾見污成海畫棟雕梁有時改碧蘚空餘石獸蹲朱明尚有玄蟲在  
殿閣當日窮奢淫妃主諸王斥內金手觸寒滑玩遺笏老僧出示猶沈吟  
天潢玉葉承平好祇向空王祈不老三百年來王氣沉青燐斷續迷幽草  
眼前高會生繁憂欲與猿鶴談千秋舉杯一酌山前骨紅葉蒼林今古愁  
酒酣更作西征賦百里銅陵隔烟霧茫茫秋原瘦馬行橙橘已黃沱江樹

代題楊海琴直牧遼海詩後

詩老北征作勞臣東海歸哀歌尙盈耳熱淚共沾衣一劍夜橫握孤城秋  
合圍餘生幸相對辛苦說戎機

三台縣志

卷二十三

二十七

三台新民印刷公司代印

憶我舊游地出關殊少年病餘讀君作亂後喜生還苦病吟諸將殘疆述  
九邊東華興盛日惆悵百年前

晚宿新店子對月有感

余志千

柳樹梢頭挂玉龍上弦新月曲如弓天街南北長馳馬複道東西訝落虹  
街衢綿亘約長一二三里衢綿亘約長一二三里井絡星垂平野濶川省爲井星分野之區錦江波咽小橋空

鷄鳴狗吠遙相應喚醒千家大夢中

卽事自詠

潼川孤客意何如茅屋三椽愛隱居庭畔桑麻鷄啄粒案頭章句蠹生書

林逋稚子閒馴鶴

宋史隱逸傳林逋隱孤山梅妻鶴子

胡廣家人懶飼豬

明史靖難兵起解縉與胡廣約同殉

國難既而縉使人覘之見廣問家人曰飼豬否縉聞而笑曰一豬尙不能  
捨况捨性命乎噫天下之貪富貴而忘忠孝者皆此飼豬之念累之耳後  
縉與廣並不得令終何聊飲一樽渾不醉山齋秋爽晚霞餘

野望用王績原韻

蜀道關山險潼川主客依浮雲連絕巘妙數有云無意落木挂斜暉妙數

東方卯木穿竹樵夫出妙數有云癡迷攜籃釣客歸妙數有云把金且尋

貧賤樂採食首陽薇

九月晦日得句

連朝疑晦復疑明秋末冬初節序更深竹鳥窺枝上躍梁宅多竹野鳥

天機也可以人半山人在霧中行人生逐逐如耳鄴江夜雨秋濤急近聞武

中原披靡滔滔者皆涪水孤舟野渡橫若涉大川用作舟楫未悟得浮雲

身外事東西離合不闕情不義而富且貴

三臺卸篆偶成三律寫懷卽以留別

黃應泰

黃君號霓笙楚之善化人光緒三十年知縣事口簡刑口常以忠厚之意發為詩歌今於寄傲吟集中採錄數首觀之亦可概見其

三台縣志

卷二十三

二十八

三台新民印刷公司代印

人爲

卅年宦轍等飄蓬授篆三臺忝握銅計拙催科防猛虎情殷撫字感哀鴻  
頻頒新政籌難緩欲濟時艱力每窮多少下懷終隔閼惟將心跡告蒼穹  
不矜功利不求名執事惟期踐實行雀鼠鮮知爭未息鑑衡有術貴持平  
長携琴鶴樂無極恥向逢迎神自清民口皆碑公論在何勞簧鼓暗相傾  
萍蹤聚散是前緣珍重知交莫悵然帶雨桐花含別淚臨風柳線縮離筵  
祈年但願人多福解組偷閒境亦仙情緒依依難判袂聊將鄙悃託詩篇  
梓州城外隔溪里許邱氏有別墅焉其中花樹樓臺爲此間之勝擬約  
同人往游藉以消夏主人聞之欣然備酌相邀從游者乃蕭勵恒司馬  
楊蓋臣大令孫蔭軒貳尹王用賓守戎及府幕程寅生助幕沈樹蘂鄭  
方魯諸君瞻眺盤桓品茶把酒盡一日之興暢敘幽情聊賦短章以記

游蹤兼鳴謝忱時光緒三十三年五月十八日也

主人能好客不負此園林軒敞亭臺靜陰森石洞深松風飄逸韻山鳥弄清音游宴愜幽賞高情酒共斟

炎熱難却暑到此俗塵蠲徑曲疑無路林幽別有天看花人徙倚消暑客留連日暮幾忘返歸途月影圓

葫蘆溪望涪城廢縣

張政

西岸村墟暮靄生東開平野古涪城英雄淘盡長江在令尹來時宿雨晴紅樹青山如好畫金冠鐵鍬出深耕頻年閱慣滄桑變不爲興亡一愴情

閏二月十五日魯般橋

今年兩次度花朝宿雨初晴百卉嬌訪古曾經玄帝觀勸農又過魯般橋春除不愛蜂嘶蕊世事真同鹿覆蕉莫怪解裝留憩早晝長人倦路迢遙

三台縣志

卷二十三

二十九

三台新民印刷公司代印

丁卯閏二月十三日余以職事至雲臺觀所見明代古物甚多如畫壁如塑像如樑間懸劍如階下殘碑如真武茅庵文昌諸殿如正德萬曆崇禎諸榜以暨鐘磬鼎鑪香燭磚瓦之屬精巧崇閎各臻其妙蓋聞當時發內帑修造者也公事有程不暇具詠詠其可紀者四事備他年遺忘云耳

金像

大小數十尊皆明內府造萬曆末年賣送觀中安奉祈福

太岳騎箕後中原息鼓年宮庭多暇逸銅鐵鑄神仙無復明宮在猶餘寶相傳當時諸貴御爭捨紫金鈿

象笏

亦明時故物

可書思對命曾閱去來今方士禮真斗達官留道林茲山爲故實異代費推尋外患頻年急飛揚畫地心

御勅凡兩軸內監葉忠白忠送觀

道人捧勅出先以妙香薰龍畫金泥色蟲書玉璽文可能希舜帝相對憶  
明君闡豎誠忠否鳴騶有杜勛

藏經萬曆勅賜獻忠之亂數次火災俱無損毀

內錢修觀後中使送經來黃虎焉能噬紅羊不敢災真靈呵護力道士守  
藏才欲乞丹臺住千函手自開

老馬渠

日已長如歲宵猶走未休風塵雖况瘁山水足遨游炬列前驅遠林藏小  
市幽七年思往事一夜此停舟

泗洲寺

老馬渠邊寺來遊感廢興牆傾遙見佛院靜久無僧飛燕巢經閣餓鷓走

三台縣志

卷二十三

三十

三台新民印刷公司代印

畫薨苔浸碑上字塵浣殿前燈萬事都如此雙丸走不停安能遺世網清  
淨誦南能

再過三臺

辟地何期見舊民相留相慰意相親空桑三宿無戀種插柳千餘已報春  
潼水又多兵死鬼匡山未返宦游人深漸朱邑同鄉愛却勝唐宗麥飯新  
成都奉懷潤蒼先生

不見王夫子於今有八年齒尊神愈健詩好世爭傳大著應增帙佳兒得  
象賢籌邊樓上客愁眼望東川

庚午九月六日生辰有感自賦二律

甘梯雲

四十年華七尺身光陰分寸總堪珍生當濁世嗟牢落心念中原感苦辛  
甘君號德龍什邛人民國十九年以上校參謀長任三臺縣長好  
接洽士類工詩文凡所經過之地皆有題詠茲所錄特其一斑耳

洛水溪邊荒徑菊涪江岸上憶鱸蓴新嘗蟹味談風起詩酒相招欸故人  
折得黃花插滿頭愧非儒將慕風流駒光虛擲貪吟咏馬齒徒增慨宦游  
酒戒壯年憑毅魄門迎長者衣輕裘一官匏繫身頑健喜聽三農慶有秋

戊辰季春由蓉赴潼於山王廟道中作

逐鹿中原舉國兵艷陽天氣賦長征岫雲冉冉渾無意楊柳依依却有情  
一徑盤空隨上下羣鶯繞樹亂飛鳴山王廟頂頻回首望斷春風濯錦城

三台縣志

卷二十三

三十一

三台新民印刷公司代印